

25. April. 2019

UPA2019/174

Kitaani sinerissatsinni qassutikut qallorneqarnissaannut suliniutissatut pilersaarummik UKA2019-imut Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B, Egede. Inuit Ataqtigiit)

Qassutikut qallorneqarnissaannut suliniutissatut pilersaarummik ukiakkut ataatsimiinnissamut 2019-mi Naalackersuisut peqquneqarnissaannik Inatsisartut aalajangiiffigisassaattut Inatsisartunut ilaasortamit Aqqaluaq B, Egede-mit qaqqineqartumut, Siumumiit qutsavigaarput.

Aammalu

Aalajangiiffigisassatut siunnersuummut Naalackersuisut akissuteqaatiminni aalisarnermut atortut allat aamma ilanngunneqarnissaannik imalik ilanngullugu Siumumiit imaatunik oqaaseqarfigissavagut.

Aalisarnermut atortut annaaneqartarnerat sorpassuarnik assigiinngitsunik tunngaveqarluni ajoraluartumik pisarpoq, Imartatsinni, Sikut, Sikorsuit, Iluliarsuit, Kangerluit sermersuarmit iigartartullit, Anorersuit, Imaani sarfat, aalisarfilerngorsaanerit, il.il. ilaatigut peqqutaaqataasarput, ajoraluartumillu aalisartut ilaasa nappaammik eqqugaallutik piniutitik ikkusimasut isumagisinnaajunnaartarpaat, ilaqarpulli ataasiakkaannguanik piumassuseeruttoornermik tunngaveqartumik sumiginnaasunik.

Sumi piniutaarsertoqartarpa, kangerlunni aalisarnermi ningitakkanik, qassutinik immap qaasiutinik natersiutinillu, bundgarn-inik il.il. sinerissamilu aalisarnermi immap naqqatigut kilisannermi immap naqqanut nassinermi, aammalu ilisimaneqarpoq saatuarniutinut kalluaasoqartarnera saatuarniat piniutaarserneranik kinguneqartumik, taamatut aamma pisoqarsinnaasarpoq avataasiarluni aalisarnermi il.il.

Tamakkua qanoq ililluni qaangerniarneqarsinnaappat aammalu annikinnerpaaffianut inissinneqarsinnaappat, susassaqtartut tamaasa peqatigalugit Kommune-it, aalisartut, kattuffiit, immikkoortortaqrifiit, ingerlateqatigiiffiit aalisartitsisut, sillimmasiisarfiit, il.il.

Ullutsinni aalisartut ilaat piniutaarsernissaminnut sillimmasertarput, kisiannili annaaneqartut qaqqineqarnissaannut sillimmasertarneq amigaataasorinarpoq, tamannalu aamma eqqartugassaqqippoq, piniutinillu annaasaqarnermi nalunaaruteqartarnissaq piumasaqaataasariaqarpoq.

Taamatut oqaaseqarluta Naalackersuisut allannguutissatut siunnersuutaat Siumumiit taparserparput oqaaseqaatigut aamma innersuullugit, pisariaqartinneqarpallu ataatsimiitaliamut susassaqtartumut ingerlasinnaanera ammaffigalutigu.

Henrik Fleischer, Siumut